

## Le nasos

Le molbos es maestros a calcular. Illes lo monstrava un vice, quando algunos de illes esseva assemblete, e illes doveva calcular quante molbos esseva presente.

Illes sapeva que illes esseva septe, quando illes abandonava lor casas. Ma cata uno de illes, qui ora calculava, non poteva contar plus que sex. Le ration naturalmente esseva que ille, qui contava, sempre oblidava contar se mesme.

Durante longe tempore illes rumpeva lor capites del problema, ma il esseva impossibile contar plus que sex, e totevia nemo de illes careva ulle del altere molbos.

Finalmente illes cercava le consilio de un homine, qui justo passava. Illes le demandava dicer les quante personas illes esseva. Pois que iste homine in nulle maniera poteva convincer les que illes esseva septe, ille les duceva a un excremento de vacca que recentemente habeva cadite al strata. Ci le homine les demandava placiarse circum le excremento e poner cata uno lor naso a in illo e pois contar le cavos.

Isto illes faceva – e ora cata uno de illes poteva contar septe cavos.

Traduction: Thomas Breinstrup (2007)

## VOCABULARIO

**maestro** experto – **calcular** contar le numeros (1-2-3...) – **assemblar** esser multe personas in un loco – **quante** qual numero – **abandonar** ir de – **oblidar** non memorar – **rumper le capite** pensar, considerar – **nemo** nulle persona – **carer** mancar, non haber o vider – **consilio** aviso – **convincer** persuader – **ducer** prender con se – **ora** in iste momento




nasos




capite de un infante



vacca



strata



■ Mols es un parte geographic del peninsula danese Jutlandia. Mols es ric de colinas. Le habitantes de Mols es appellate *molbos* e es considerate un poco stupide per le daneses. Assi existe multe historias del molbos.

## QUESTIONES AL HISTORIA

Que es un maestro?	A ubi duceva le homine le molbos?
Explica que es “calcular”?	Que diceva le homine al molbos?
Quante molbos habeva il?	Explica que es “circum”?
Proque poteva illes solmente contar a sex e non septe?	Como solveva illes le problema de contar?
Que faceva illes finalmente?	
Explica que es un “consilio”?	